

اتوار 20 اکتوبر، 2019

مضمون۔ کفارے دا عقیدہ

سنہری متن: گلٹیوں 3 باب 26 آیت

”کیوں جے تسی سارے اوس ایمان دے راہیں جیہڑا مسیح یسوع وچ اے رب تے پتر او۔“

جوابی پڑھائی: زبور 51:1، 2، 6، 7، 10، 12 آیتاں

- 1- اے رب! اپنی شفقت دے مطابق میرے اُتے رحم کر۔ اپنی رحمت دی کثرت دے مطابق میرے اُتے رحم کر۔
- 2- میری بدی نوں میتھوں دھودے تے میرے پاپ توں مینوں پاک کر۔
- 6- ویکھ تُو باطن دی سچائی پسند کردا ایں۔ تے باطن وچ مینوں ای سیان سکھاویں گا۔
- 7- زونے نال مینوں صاف کرتے میں ہو جانواں گا۔ مینوں دھودے تے میں برف وانگر چٹا ہو جانواں گا۔
- 10- اے رب! میرے اندر نوں دل پیدا کرتے میرے باطن اندر نوں سرے توں مضبوط روح پادے۔

11- مینوں اپنے سامنیوں دور نہ کر۔ تے اپنی روح نوں میتھوں دکھ نہ کر۔

12- اپنی مکتی دی خوشی مینوں فیر دے تے مستعد روح نال مینوں سنبھال۔

درسی وعظ

بائبل وچوں

1- متی 3 باب 16، 17 آیتاں

16- تے یسوع پتسمہ لے کے چھیتی نال پانے دے کول اُتے نوں اُٹھیا تے ویکھو آسمان کھل گیا تے اوہنے رب دے روح نوں کبوتر دی صورت اتر دیاں تے اپنے اُتے آؤندیاں ویکھیا۔

17- تے ویکھو آسمان توں ایہہ آواز آئی پئی ایہہ میرا پیارا پتر اے جیدے توں میں خوش آں۔

2- متی 5 باب 1، 2، 8، 16 آیتاں

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیااے۔

1- اوہ اوس جتھے نوں ویکھ کے پہاڑ اُتے چڑھ گیا تے جدوں بہہ گیا تے اوہدے چیلے اوہدے کول آئے۔

2- تے اوہ اپنی زبان کھول کے اوہناں نوں ایخ تعلیم دین لگیا۔

8- دھن نیں اوہ جیہڑے پاکدل نیں کیوں جے اوہ رب نوں ویکھن گے۔

16- تہاڑی لو بندیاں دے سامنے چمکے تاں جو اوہ تہاڑے نیک کماں نوں ویکھ کے تہاڑے پیو دی جیہڑا اسمان

اُتے اے وڈیائی کرن۔

3- متی 16 باب 21 توں 27 آیتاں

21- اوس ویلے توں یسوع اپنے چیلیاں اُتے ایہہ ظاہر کرن لگیا پئی لازمی اے پئی اوہ یرو شلیم نوں جاوے تے بزرگاں تے سردار کاہناں تے فقیہیاں توں دکھ اٹھاوے تے قتل کیتا جاوے تے تیجے دن جی اٹھے۔

22- ایہدے اُتے پطرس اوہنوں پاسے لے جا کے ملامت کرن لگیا پئی اے خداوند رب نہ کرے۔ ایہہ تیرے اُتے بالکل سئیں آوے گا۔

23- اوہنے پھر کے پطرس نوں آکھیا اے شیطان میرے سامنیوں دور ہو جا۔ تُو میرے لئی ٹھو کر دا باعث ایس کیوں جے توں رب دیاں گلاں دانسیں بلکہ بندیاں دیاں گلاں دا خیال رکھد ایس۔

24- اوس ویلے یسوع نے اپنے چیلیاں نوں آکھیا پئی جے کوئی میرے مگر آؤ ناچا ہووے تے اپنی خودی دا انکار کرے تے اپنی سولی آپ مچکے تے میرے مگر ٹر پووے۔

25- کیوں بے جیہڑاوی اپنی جان بچاؤ ناچا ہووے اوہنوں گو اوے گاتے جیہڑا کوئی میری خاطر اپنی جان گو اوے گا اوہنوں پاوے گا۔

26- تے بے بندہ سارا جگ حاصل کرے تے اپنی جان دا نقصان پاوے تے اوہنوں کیہ فائدہ ہووے گا؟ یا بندہ اپنی جان دے بدلے کیہ دیوے گا؟

27- کیوں بے آدم دا پتر اپنے پیو دے جلال وچ اپنے فرشتیاں دے نال آوے گا۔ اوس ویلے ہر کسے نوں اوہدے کماں دے مطابق بدلہ دیوے گا۔

4- متی 23 باب 1 توں 12 آیتاں

1- اوس ویلے یسوع نے جتھے نال تے اپنے چیلیاں نال ایہہ گلاں کیتیاں پئی

2- فقیہ تے فریسی موسیٰ دی گدی اُتے بیٹھے نیں۔

3- ایس لئی جو کجھ اوہ تہانوں آکھن اوہ کرو تے منو پر اوہناں ورگے کم نہ کرو کیوں بے اوہ آکھدے نیں پر کردے نیں۔

4- اوہ اچیسے بھارے بوجھ جنہاں نوں چکنا اوکھاے۔ بنھ کے لوکاں دے موڈھیاں اُتے رکھدے نیں پر آپ اوہناں نوں اپنی اُنکلی نال ہلاؤناوی نیں چاؤندے۔

5- اوہ اپنے سارے کم لوکاں نوں وکھاؤن لئی کردے نیں کیوں بے اوہ اپنے تعویز وڈھے بناؤندے نیں تے اپنے کپڑیاں دے کنڈے چوڑے رکھدے نیں۔

- 6- تے دعوتیں وچ صدر دی کرسی تے عبادت خانیاں وچ اعلیٰ درجے دیاں کرسیاں
- 7- تے بازاراں وچ سلام تے بندیاں توں ربی اکھواؤنا پسند کر دے نیں۔
- 8- پر تسی ربی نہ اکھواؤ کیوں جے تہاڈ استاد اک ای اے تے تسی سارے بھرا او۔
- 9- تے دھرتی اُتے کسے نوں اپنا پیونہ آکھو کیوں جے تہاڈ اپیواک ای اے جیہڑا اسمانی اے۔
- 10- تے نہ تسی ہادی اکھواؤ کیوں جے تہاڈ اہادی اک ای اے یعنی مسیح۔
- 11- پر جیہڑا تہاڈے وچوں وڈھا اے اوہ تہاڈا خادم بنے۔
- 12- تے جیہڑا کوئی اپنے آپ نوں وڈھا بنائے گا اوہ نکاہ کیتا جاوے گا تے جیہڑا اپنے آپ نوں نکاہ بناوے گا اوہ وڈھا کیتا جاوے گا۔

5- متی 26 باب 1، 2، 17، 20، 26، 27 آیتاں

- 1- تے جدوں یسوع ایہہ گلاں کر چکیا تے ایہج ہوئی اپنی اوہنے اپنے چیلیاں نوں آکھیا۔
- 2- تسی جان دے اوپنی دو دنیاں بعد فح دی عید ہووے گی تے آدم دا پتر مصلوب ہوون لئی پھڑ وایا جاوے گا۔
- 17- تے فطیر دی عید دے پہلے دن چیلیاں نے یسوع دے کول کے آکھیا توں کتھے چاؤنا ایں پئی اسی تیرے لئی فح دے کھانے دی تیاری کریئے؟

18- اوہنے آکھیا شہر وچ فلاں بندے نوں جا کے آکھو پئی استاد آکھدا اے میرا ویلہ نیسٹے اے۔ میں اپنے چیلیاں دے نال تیرے کول فسح دی عید کراں گا۔

19- تے جیویں یسوع نے چیلیاں نوں حکم دتا سی اوہناں نے اونج ای کیتا تے فسح تیار کیتا۔

20- جدوں شام ہوئی تے اوہ بارہ چیلیاں دے نال کھانا کھان نوں میٹھیاسی۔

26- جدوں اوہ کھارہے سی تے یسوع نے روٹی لئی تے برکت دے کے توڑی تے چیلیاں نوں دے کے آکھیا لو کھاؤ۔ ایہہ میرا بدن اے۔

27- فیر پیالہ لے کے شکر کیتا تے اوہناں نوں دے کے آکھیا تسی سارے ایسہ دے وچوں پیو۔

6- 2 کرنتھیوں 6 باب 1، 4، 7 آیتاں

1- تے اسی جیہڑے اوہدے نال کم وچ شریک آں ایہہ وی بنتی کردے آں پئی رب دا فضل جیہڑا تہاڈے اُتے ہوئیا بے فائدہ نہ رہن دیو۔

4- بلکہ رب دے خدماں وانگر ہر گل نال اپنی خوبی ظاہر کردے آں۔ بڑے صبر نال۔ مصیبت نال۔ احتیاج نال۔ تنگی نال۔

5- کوڑے کھان نال۔ قید ہون نال۔ ہنگامیاں نال۔ محنتاں نال۔ جاگن نال۔ فاقیاں نال۔

6- پاکیزگی نال۔ علم نال۔ تحمل نال۔ مہربانی نال۔ پاک روح نال۔ بے ریا محبت نال۔

7- کلام نال۔ رب دی قدرت نال۔ راستبازی دے ہتھیاراں دے نال جیہڑے سچے کھبے نیں۔

7- رومیوں 5 باب 1 توں 8، 5، 1 آیتاں

1- ایس لئی جدوں اسی ایمان نال راستباز ٹھہرے تے رب دے نال اپنے خداوند یسوع مسیح دے راہیں صلح رکھیے۔

2- جیدے راہیں ایمان دے پاروں اوس فضل تیکر ساڈی پہنچ وی ہوئی جیدے اُتے قائم آں تے رب دے جلال دی آس اُتے فخر کریے۔

3- تے بس ایہہ ای نئیں بلکہ مصیبتاں اُتے وی فخر کریے ایہہ جان کے پئی مصیبت نال صبر پیدا ہندا اے۔

4- تے صبر نال پختگی تے پختگی نال آس پیدا ہندی اے۔

5- تے آس نال شرمندگی حاصل نئیں ہندی کیوں جے پاک روح جیہڑا ساہنوں دتا گیا اے اوہدے راہیں رب دی محبت ساڈے دلاں وچ پائی گئی اے۔

8- پر رب اپنے پیار دی خوبی ساڈے اُتے اتیخ ظاہر کر دالے پئی جدوں اسی پاپی ہی سی تے مسیح ساڈے لئی مریا۔

9- ایس لئی ہن جدوں اسی اوہدے لہودے راہیں راستباز ٹھہرے تے اوہدے راہیں الہی غضب توں وی ضرور بچاں گے۔

10- کیوں جے دشمن ہوون دے باوجود رب دے نال اوہدے پتردی موت دے راہیں ساڈا میل ہو گیا تے میل ہون دے بعد اسی اوہدی حیاتی دے راہیں تے ضرور بچ جانواں گے۔

11- تے بس ایہہ ای نہیں بلکہ اپنے رب یسوع مسیح دے پاروں جیدے راہیں ہن ساڈا میل ہو گیا اے رب
اُتے فخر وی کر دے آں۔

سائنس تے صحت

1- 9-3:18

یسوع ناصری نے انسان تے انسان دے اکٹھ نوں بیان کیتا، تے ایہدے لئی ساڈے اُتے اوہدی بوہت زیادہ
عقیدت دا بھارا اے۔ اوہدا مشن انفرادی تے اجتماعی دونویں سی۔ اوہنے حیاتی دا مناسب کم پورا کیتا نہ صرف
اپنے انصاف لئی بلکہ انساناں اُتے رحم دے پاروں اوہناں نوں ایہہ دکھان لئی پئی اوہناں نے اپنا کم کینویں کرنا
اے، بلکہ نہ تے آپ اوہناں لئی کرن یا نہ ای اوہناں نوں کسے ذمہ داری توں آزاد کرن لئی ایہہ کیتا۔

2- 11-6، 2-1:19

ایس لئی مسیح دا مقصد انسان نوں رب لئی راضی کرنا سی نہ کہ رب نوں انسان لئی راضی کرنا سی۔۔۔۔۔ یسوع
نے انسان نوں پیار دا اصلی فہم، یسوع دیاں تعلیمیاں دا الہی اصول دیندیاں ہوئے رب دے نال راضی ہوون

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تھریاں نال بنیاں۔

وچ مدد کیتی، تے پیار دا ایہہ اصلی فہم روح دے قانون، الہی پیار دے قانون دے راہیں انسان نوں مادے،
پاپ تے موت دے قانون توں آزاد کر دالے۔

3- 14-6:259

الہی سائنس وچ انسان رب دی اصلی شبیہ اے۔ الہی فطرت نوں مسیح یسوع وچ بوہت چنگے طریقے نال بیان
کیتا گیا اے، جسے انساناں اُتے رب دی بوہت مناسب عکاسی ظاہر کیتی تے ماڑی سوچ دے نمونے توں وڈھی
معیار زندگی فراہم کیتی، یعنی اجیہی سوچ جیہڑی انسان دے ڈگن، بیماری، پاپ کرن تے مرن نوں ظاہر کردی
اے۔ سائنسی ہستی تے الہی شفا دی مسیح ورگی سمجھ وچ کامل اصول تے خیال، کامل رب تے کامل انسان، سوچ
تے اظہار دی نیوں دے طور تے شامل ہوندے نیں۔

4- 31-13:25

یسوع نے اظہار دے پاروں حیاتی دا طریقہ کار سکھایا، تاں جو اسی ایہہ سمجھ سکینے پئی کیوں الہی اصول بیمار نوں
شفا دیندا، غلطی نوں باہر کڈھداتے موت اُتے فتح مند ہندا اے کسے دو جے بندے دی نسبت جیہڑا اصل کم
روحانی ہووے یسوع نے رب دی مثال نوں بوہت چنگے طریقے نال پیش کیتا۔ رب دے نال اوہدی
فرمانبرداری نال اوہنے باقی ساریاں لوکاں دی نسبت ہستی دے اصول نوں بوہتا روحانی ظاہر کیتا۔ ایسے طراں

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

اوہدی ایس نصیحت دی طاقت اے پئی ”جے تسی میرے نال پیار کردے او تے میرے حکماں اُتے عمل کرو گے۔“

بھانویں پاپ تے بیماری اُتے اپنا اختیار ظاہر کر دیاں ہوئے، وڈھے استاد نے کسے طراں وی دو جیاں نوں اوہناں دے تقویٰ دے مطلوبہ ثبوت دین وچ مدد نہیں کیتی۔ اوہنے اوہناں دی ہدایت لئی کم کیتا، پئی اوہ ایس طاقت دا اظہار اہنجا کر جیویں اوہنے کیتا تے ایہدے الہی اصول نوں سمجھن۔ استاد اُتے پورا ایمان تے اوہ سارا جذباتی پیار جیہڑا اسی اوہدے اُتے نچھاور کر سکدے آں، بس ایہہ ای ساہنوں اوہدے مگر ٹرن والے نہیں بناؤن گے۔ ساہنوں جا کے اوہدے وانگر ای کم کرنا چاہیدا اے، نہیں تے اسی اوہناں وڈھیاں برکتاں نوں نہیں ودھارہئے جیہڑیاں ساڈے مالک نے ساہنوں دین لئی کم کیتا تے تکلیف سہی۔ مسیح دی الوہیت دا اظہار یسوع دی انسانیت وچ کیتا گیا اسی۔

5- 14-9:28

کلیسیا دے اندر یا باہر جو کجھ وی چنگا اے اوہنوں عزت دیندیاں ہوئے کسے بندے دی مسیح وچ تقدیس پیشے دی نسبت اظہار اُتے بوہتی نیوں رکھدی اے۔ شعور وچ، اسی منتشر ہوون والے عقیدیاں نوں روک نہیں سکدے، تے لازوال مسیح دے الہی اصول نوں ہور سمجھدیاں ہوئے، ساہنوں بیمار نوں شفا دین تے موت اُتے فتح یاب ہوون دے قابل بنایا گیا اے۔

6- 22-12:31 (توں-)

مسیحی فرضاں دی فہرست وچ سب توں پہلا فرض اوہنے اپنے مگر ٹرن والیاں نوں سکھایا وہ سچپائی تے پیار دی شفا دین والی طاقت اے۔ اوہنے بے جان رسماں نوں کوئی اہمیت نہیں دتی۔ ایہہ جیوندہ مسیح، عملی سچپائی ای اے جیہڑا مسیح نوں اوہناں ساریاں لئی ”قیامت تے حیاتی“ بناؤندا اے جیہڑے کماں وچ اوہدے مگر ٹردے نیں۔ اوہدے قیمتی حکماں دی فرمانبرداری کر دیاں ہوئے، جنہاں اسی ایہنوں سمجھ سکدے آں اوہناں ای اوہدے اظہار مگر ٹردیاں ہوئے، اسی اوہدے پیالے وچوں پیندے آں، اوہدی روٹی وچ شریک ہنہ آں، تے اوہدی پاکیزگی وچ پستسمہ پاؤنے آں، تے اخیریں اسی جیہڑا موت اُتے فتح پاؤندا اے اوس الہی اصول دے پورے فہم وچ اوہدے نال بیٹھاں گے، آرام کراں گے۔

7- 25:458 (دی)-8

کرچن سائنسدان بڑی سمجھداری نال اپنی راہ سدھی کر دا اے، تے اوہ الہی سیان دیاں ہدایتاں مگر ٹرن وچ لگاتار تے ایماندار ہندا اے۔ حیاتی گزارن تے اوہدے نال شفا دین تے تعلیم دین دے راہیں اوہنوں ایہہ ثابت کرنا چاہیدا اے پئی مسیح دی راہ ای اوہ کئی راہ اے جیدے راہیں بندے اکو واری پاپ تے بیماری توں مکتی پاؤندے نیں۔

جیویں پھل، ہنیرے توں لوول مڑدا اے، مسیحت انسان نوں فطری طور تے مادے توں روح ول موڑن دی وجہ بن دی اے۔ فیر انسان اوہناں شیواں نوں مخصوص کر لیندا اے جیہڑیاں ”نہ اکھیاں نے ویکھیاں نہ کناں نے سنیاں۔“ یوحنا تے پولوس نوں ایس گل دی بوہت پچھان سی پئی کیوں جے فانی بندے نوں قربانی دے بغیر دنیا وچ عزت نئیں مل سکدی، ایس لئی اوہنوں ساری دنیا داری چھڈ کے اسمانی خزانے حاصل کرنے چاہیدے نیں۔ فیر اوہدا جگ دیاں ہمدردیاں، غرضاں تے مقصداں وچ کوئی حصہ نئیں ہووے گا۔

8- 183:21-29

الہی سیان جائز طور تے انسان دی پوری فرمانبرداری، پیار تے طاقت دی مانگ کر دی اے۔ ایس دے توں گھٹ وفاداری لئی کوئی تحفظ نئیں رکھے جاندا۔ سچائی دی تابعداری انسان نوں طاقت تے قوت عطا کر دی اے۔ غلطی نوں حوالگی طاقت دا گھٹا پین نوں ودھا دیندی اے۔

سچائی ساریاں بدیاں تے مادیت پسنداں دے طریقیاں نوں اصل روحانی قانون دے نال باہر کڈھ دیندی اے، یعنی اوہ قانون جیہڑا نھے نوں بینائی، بولے نوں سننا، گنگے نوں آواز تے لنگڑے نوں پیر دیندا اے۔

9- 149:11-16

اصول تے اوہدے عمل دی کاملیت سائنس وچ کدی فرق نہیں ہندے۔ جے تسی کسے طراں کامیاب ہوون
وچ ناکام ہو جاندے او، تے ایہہ ایس لئی پئی تسی مسیح، سچائی دی حیاتی نوں ہو ر ظاہر نہیں کیتا، کیوں جے تسی
اصول دی تابعداری نہیں کیتی تے سائنس دے الہی اصول نوں ثابت نہیں کیتا۔

10- 17:19-28

توبہ تے دکھاں داہرا احساس، اصلاح دی ہر کوشش، ہر چنگی سوچ تے کم پاپ لئی یسوع دے کفارے نوں
سمجھن وچ مدد کرن گے تے ایہدی افادیت وچ وی مدد کرن گے؛ پر جے پاپی پاپ کرنا تے توبہ کرنا، پاپ کرنا
تے معافی منگنا جاری رکھدا اے، تے کفارے وچ، رب دے نال ایکا کرن وچ اوہدا بوہت گھٹ حصہ ہووے
گا، کیوں جے اوہدے وچ عملی توبہ دا گھاٹا اے، جیہڑی دل دی اصلاح کردی تے انسان نوں حکمت دی مرضی
نوں پورا کرن دے قابل بناؤندی اے۔ اوہ جیہڑے، گھٹ وگھٹ کسی حد تک، ساڈے مالک دیاں تعلیماں تے
عمل دے الہی اصول دا اظہار نہیں کر سکدے اوہناں دی رب وچ کوئی شراکت نہیں۔ بھانویں رب بھلا اے،
جے اسی اوہدے نال فرمانبرداری وچ حیاتی گزارئیے، تے ساہنوں کوئی ضمانت محسوس نہیں کرنی چاہیدی۔

11- 1:21-9,5-14

جے تہاڈی ہر روزدی حیاتی تے گل بات وچ سچھائی غلطی اُتے فٹخ پارہئی اے، تے تسی اخیریں آکھ سکدے او
پئی، ”میں چنگی کشتی لڑ لئی اے۔۔۔ میں ایمان نوں محفوظ رکھیا“، کیوں جے تسی اک چنگے انسان او۔ ایہہ
چنگیائی تے ایکے وچ حصہ پاؤن والی گل اے۔

جے چیلاروحانی طور تے ترقی کر رہیا اے، تے اوہ اندر آؤن دی کوشش کر رہیا اے۔ اوہ مادی حس توں دور
ہوون دی لگاتار کوشش کر رہیا اے تے روح دیاں ناگن والیاں شیواں نوں لہر رہیا اے۔ جے ایماندار اے
تے اوہ ایماندارى نال ای شروع کرے گا تے ہر دن ٹھیک پاسے ای جاوے گا جدوں تیکر کہ اخیریں اوہ خوشی
دے نال اپنا سفر پورا نہیں کر لیندا۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“، الہی سچھائی، حیاتی تے
پیاردی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار
نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیجی سائنسدان پاپ نوں رد کردیاں ہوئے، سنجی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔